

ზუგდიდის მუნიციპალიტეტი

სატენდერო დოკუმენტაცია

გამარტივებული ელექტრონული ტენდერის საშუალებით
ზუგდიდის მუნიციპალიტეტის ჭითაწყარის ადმინისტრაციულ ერთეულში
სასაფლაოსთან მისასვლელი შიდა საავტომობილო გზის სარეაბილიტაციო
სამუშაოების შესყიდვაზე

ქ. ზუგდიდი, 2015 წელი

1. ინსტრუქცია ტენდერში მონაწილეობისთვის

- 1.1.** სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.
- 1.2.** წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს მე-9 მუხლის შესაბამისად.

2. შესასყიდი სამუშაოს დასახელება, ტექნიკური დავალება და მიწოდების პირობები

2.1. შესყიდვის ობიექტი

- ზუგდიდის მუნიციპალიტეტის ჭითაწყარის ადმინისტრაციულ ერთეულში სასაფლაოსთან მისასვლელი შიდა საავტომობილო გზის სარეაბილიტაციო სამუშაოები.

2.2. სამუშაოს შესრულების პირობები და ვადები

- ტენდერში გამარჯვებულმა სამუშაოს შესრულება უნდა უზრუნველყოს ხელშეკრულების გაფორმებიდან 29 (ოცდაცხრა) კალენდარული დღის განმავლობაში;
- სამუშაოები უნდა შესრულდეს წინამდებარე სატენდერო დოკუმენტაციის დანართის სახით წარმოდგენილი სამუშაოების შესრულების გეგმა-გრაფიკის მიხედვით;
- სამუშაოების შესრულების პროცესში ტენდერში გამარჯვებული პრეტენდენტი ხელმძღვანელობს მოცემული გრაფიკით განსაზღვრული ვადებით და სამუშაოების ეტაპების განხორციელების თანმიმდევრობით;
- სამუშაოების მიმდინარეობისას, შემსყიდველის ინსპექტირების ჯგუფთან შეთანხმებით შესაძლებელია შეიცვალოს (დაზუსტდეს) გრაფიკით განსაზღვრული სამუშაოების ეტაპების განხორციელების თანმიმდევრობა. გეგმა-გრაფიკში სამუშაოების განხორციელების თანმიმდევრობის ცვლილება არ გამოიწვევს ხელშეკრულებაში დამატებით ცვლილებას;
- სახელშეკრულებო ღირებულების არანაკლებ 30%-ის მოცულობის შესაბამისი სამუშაოები უნდა იყოს დასრულებული ხელშეკრულების დადების თარიღიდან 20 კალენდარულ დღეში.
- მითითებულ ვადებში სამუშაოების შეუსრულებლობა ან/და დაგვიანებით შესრულება გამოიწვევს ტენდერში გამარჯვებული პრეტენდენტის პასუხისმგებლობას, წინამდებარე სატენდერო დოკუმენტაციის ხელშეკრულების პროექტში განსაზღვრული წესის შესაბამისად.

2.3. სამუშაოთ შესრულების წესი

- სამუშაოების შესრულების წესი განისაზღვრება ამ თავითა და ხელშეკრულების პირობებით;
- ტენდერში მონაწილე პრეტენდენტმა უნდა იხელმძღვანელოს წინამდებარე სატენდერო დოკუმენტაციის დანართის სახით წარმოდგენილი საპროექტო დოკუმენტაციით (განმარტებითი ბარათით, ნახაზებით და ხარჯთაღრიცხვით);
- სამუშაოს შესრულებაში გამოსაყენებელი მასალები, რომლებიც არ არის დაკონკრეტებული საპროექტო სახარჯთაღრიცხვო დოკუმენტაციაში, მათი სავარაუდო ვარიენტები შეთანხმებული უნდა იყოს შემსყიდველ ორგანიზაციასთან;
- სამუშაოების ან მისი ნაწილის დასრულების შემდგომ, შესრულებული სამუშაოების სახარჯთაღრიცხვო დოკუმენტაციასთან შესაბამისობის დადგენის მიზნით ტენდერი გამარჯვებულმა პრეტენდენტმა (საკუთარი ხარჯებით) უნდა უზრუნველყოს შესრულებული სამუშაოს ექსპერტიზის ჩატარება და ექსპერტიზის დადებითი დასკვნის წარმოდგენა;

- სასურველია ექსპერტიზის დასკვნა გაცემული იყოს სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს მიერ;
- საექსპერტო მომსახურების შესრულების ვადები არ იქნება დაკავშირებული სამუშაოების შესრულების ვადებთან;
- შემსყიდველის მიერ უხარისხოდ შესრულებული სამუშაოების დაფიქსირების შემთხვევაში, ტენდერში გამარჯვებული ვალდებულია გონივრულ ვადაში, საკუთრი ხარჯებით უზრუნველყოს გამოვლენილი ყველა დეფექტის ან ნაკლის აღმოფხვრა.

2.4. ტექნიკური დავალება

- შესასრულებელი სამუშაოების დეტალური ჩამონათვალი, აღწერილობა და საპროექტო მოცულობები მოცემულია ხარჯთაღრიცხვაში (იხ. დანართი №1);
- სამუშაოები უნდა განხორციელდეს ნახაზებისა და ტექნიკურ დავალებაში (ხარჯთაღრიცხვაში) ჩამოთვლილი სამუშაოების შესაბამისად;

სხვა დამატებითი პირობები:

- შესრულებული სამუშაოს სრულფასოვანი ფუნქციონირების საგარანტო ვადა უნდა შეადგენდეს საბოლოო მიღება-ჩაბარების აქტის გაფორმებიდან არანაკლებ 2 (ორი) წელს;
- იმ შემთხვევაში თუ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, პრეტენდენტმა უნდა დაასაბუთოს ფასწარმოქმნის ადექვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა, აღნიშნულის თაობაზე პრეტენდენტი ვალდებულია 6 (ექვსი) სამუშაო დღის ვადაში უზრუნველყოს შესაბამისი ექსპერტიზის დასკვნის წარმოდგენა;
- თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია ამ ტენდერის შესყიდვის ობიექტის სავარაუდო ღირებულებაზე, შემსყიდველი ორგანიზაციას უფლება აქვს გამარჯვებულ მიმწოდებელს მოსთხოვოს ხელშეკრულების შესრულების საბანკო გარანტია 10%-ის ოდენობით, რომელიც წარმოდგენილ უნდა იქნას საბანკო ან სადაზღვევო დაწესებულებიდან, რომლის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულებით გათვალისწინებული სამუშაოების დასრულების ვადას.

3. საკვალიფიკაციო მოთხოვნები

3.1. უფლებამოსილი ადმინისტრაციული ორგანოებიდან წარმოსადგენი საკვალიფიკაციო მონაცემები უნდა შეიცავდეს შემდეგ ცნობებსა და ინფორმაციას:

3.1.1. იურიდიული პირისათვის:

- საკვალიფიკაციო მოთხოვნების გარეშე.

3.1.2. ფიზიკური პირისათვის:

- საკვალიფიკაციო მოთხოვნების გარეშე.

3.1.3. როგორც იურიდიული, ასევე ფიზიკური პირებისათვის:

- საკვალიფიკაციო მოთხოვნების გარეშე.

3.2. ტენდერში მონაწილე პრეტენდენტი უნდა აკმაყოფილებდეს შემდეგ საკვალიფიკაციო მოთხოვნებს:

- ტენდერში მონაწილე პრეტენდენტს უკანასკნელი 3 (სამი) წლის (2012 წლის 10 თებერვლიდან 2015 წლის 10 თებერვლამდე პერიოდში) განმავლობაში უნდა გააჩნდეს ანალოგიური ხასიათის, სირთულისა და შინაარსის (საავტომობილო გზის მშენებლობა-რეაბილიტაცია) სამუშაოების შესრულების გამოცდილება. ამასთან, მოცემულ პერიოდში სახელმწიფო შესყიდვების შესახებ ხელშეკრულებების ფარგლებში შესრულებული სამუშაოების ჯამური

ღირებულება არ უნდა იყოს მიმდინარე ტენდერის სავარაუდო ღირებულებაზე ნაკლები. სამუშაოების ჩამონათვალი და მათი ღირებულებები წარმოდგენილი უნდა იყოს ქვემოთ მოცემული ცხრილის (დანართი №2) სახით.

- პრეტენდენტს ტენდერით გათვალისწინებული სამუშაოების შესასრულებლად უნდა ჰყავდეს გამოცდილი და კვალიფიცირებული პერსონალი (როგორც ძირითადი სპეციალისტები, ასევე დამხმარე პერსონალი), რომელთაც გააჩნიათ ანალოგიური ხასიათის, სირთულისა და შინაარსის სამუშაოების (საავტომობილო გზის სამშენებლო-სარეაბილიტაციო) შესრულების არანაკლებ 3 (სამი) წლიანი გამოცდილება. ინფორმაცია პრეტენდენტის განკარგულებაში მყოფი ან მოსაწვევი ძირითადი მომსახურე პერსონალის გამოცდილებისა და კვალიფიკაციის შესახებ წარმოდგენილი უნდა იქნას ქვემოთ მოცემული ცხრილის (დანართი №3) სახით.
- პრეტენდენტი ვალდებულია ტენდერით გათვალისწინებული სამუშაოების შესასრულებლად სრულად ფლობდეს თანამედროვე ტექნიკური მოთხოვნების შესაბამის მანქანა-მექანიზმებს.

4. სატენდერო დოკუმენტაციის შესახებ დამატებითი ინფორმაცია

4.1. სახელმწიფო შესყიდვის განხორციელების დაფინანსების წყარო

4.1.1. სახელმწიფო ბიუჯეტი - საქართველოს მთავრობის 2015 წლის 20 იანვრის №39 განკარგულებაში განხორციელებული ცვლილების შესახებ 2015 წლის 3 თებერვლის №121 განკარგულების თანახმად „საქართველოს რეგიონებში განსახორციელებელი პროექტების ფონდიდან“ ზუგდიდის მუნიციპალიტეტისათვის გამოყოფილი სახსრები.

4.2. სატენდერო წინადადების ფასი

- 4.2.1. სატენდერო წინადადების ღირებულება წარმოდგენილი უნდა იყოს სამუშაოების სრულყოფილად შესრულებასთან დაკავშირებული ყველა ხარჯისა და საქართველოს კანონმდებლობით დადგენილი ყველა გადასახადის გათვალისწინებით.
- 4.2.2. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.
- 4.2.3. სატენდერო წინადადებაში საერთო და ერთეულის ფასი გამოსახული უნდა იყოს ეროვნულ ვალუტაში.

4.3. ანგარიშსწორების პირობები

- 4.3.1. ანგარიშსწორება განხორციელდება უნაღდო ანგარიშსწორების წესით, ფაქტურად შესრულებული სამუშაოების გათვალისწინებით შესაბამისი მიღება-ჩაბარების აქტის (ფორმა №2), ექსპერტის დადებითი დასკვნისა და საგადასახადო ანგარიშ-ფაქტურის (ან კანონმდებლობით დაშვებული სხვა დოკუმენტის) წარდგენიდან 30 (ოცდაათი) სამუშაო დღის განმავლობაში.
- 4.3.2. წინასწარი გადახდის მექანიზმი (ავანსი) არ გამოიყენება.
- 4.3.3. ანგარიშსწორება შესაძლებელია განხორციელდეს ეტაპობრივად, შუალედური ანგარიშსწორებით, შემდეგი თანმიმდევრობით: - **პირველი შუალედური გადახდა** ხელშეკრულების ღირებულების 30%-ის ოდენობით გადახდილი იქნება პირველი შუალედური მიღება-ჩაბარების აქტის გაფორმების შემდეგ, **მეორე შუალედური გადახდა** - ხელშეკრულების ღირებულების 50%-ის ოდენობით გადახდილი იქნება მეორე შუალედური მიღება-ჩაბარების აქტის გაფორმების შემდეგ, **საბოლოო ანგარიშსწორება** ხელშეკრულების ღირებულების 20%-ის ოდენობით გადახდილი იქნება საბოლოო მიღება-ჩაბარების აქტისა და ექსპერტის დადებითი დასკვნის წარმოდგენის შემდეგ.

4.4. პრეტენდენტის სატენდერო წინადადება და ტექნიკური დოკუმენტაცია

4.4.1. პრეტენდენტის სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

- ხარჯთაღრიცხვის შევსებულ ფორმას (დანართი №1-ის შესაბამისად, ხარჯთაღრიცხვის წარმოდგენილობა ან/და ხარჯთაღრიცხვაში არსებითი შეუსაბამობა გამოიწვევს პრეტენდენტის დისკვალიფიკაციას);
- სამუშაოების შესრულების გეგმა-გრაფიკს (დადასტურებული და წარმდგენილ უნდა იქნეს დანართი №2-ის მხედვეთ);
- ინფორმაციას ანალოგიური სამუშაოების შესრულების გამოცდილების შესახებ (ინფორმაცია წარმოდგენილ უნდა იქნას დანართი №3 შესაბამისად);
- ინფორმაცია ძირითადი პერსონალის გამოცდილებისა და კვალიფიკაციის შესახებ (ინფორმაცია წარმოდგენილ უნდა იქნას დანართი №4-ის შესაბამისად);

- ინფორმაციას მატერიალურ-ტექნიკური ბაზის შესახებ (ინფორმაცია წარმოდგენილ უნდა იქნას დანართი №5 შესაბამისად. იჯარის, თხოვნების ან დაქირავების შემთხვევაში წარმოდგენილი უნდა იქნას შესაბამისი ხელშეკრულებების ასლები);
- ინფორმაციას საგარანტიო პირობების შესახებ (დადასტურებული და წარმოდგენილ უნდა იქნას დანართი №6-ის მხედვით);
- პრეტენდენტის შესახებ ინფორმაციას (დანართი №7-ის შესაბამისად);

- 4.4.2. 4.4.1. პუნქტით გათვალისწინებული ყველა დოკუმენტი და ინფორმაცია წარმოადგენს პრეტენდენტის სატენდერო წინადადებას, რომელიც უნდა აიტვირთოს სახელმწიფო შესყიდვების ერთიან ელექტრონულ სისტემაში, პრეტენდენტის მიერ სატენდერო წინადადების შეთავაზებისას.
- 4.4.3. პრეტენდენტს უფლება არა აქვს წარმოადგინოს ალტერნატიული სატენდერო წინადადება.
- 4.4.4. სატენდერო დოკუმენტაციის შესაბამისად მოთხოვნილი ინფორმაციის ან დოკუმენტაციის წარუდგენლობის შემთხვევაში შესაძლოა მოხდეს ტენდერში მონაწილე პრეტენდენტის დისკვალიფიკაცია.
- 4.4.5. ტენდერში მონაწილე პრეტენდენტის სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია შედგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. ამ შემთხვევაში მოცემული სატენდერო წინადადების ინტერპრეტაციის დროს, უცხოენოვან დოკუმენტსა და მის ქართულ ენაზე შესრულებულ თარგმანს შორის უპირატესობის მინიჭების საკითხს წყვეტს სატენდერო კომისია.

4.5. სატენდერო წინადადების მომზადება და შევსების წესი

- 4.5.1. სატენდერო ფორმა და დანართები უნდა მომზადდეს შესაბამისი ფორმის გამოყენებით, რომელიც წარმოდგენილია სატენდერო დოკუმენტაციით. ფორმები უნდა შეიცოს ტექსტის გადაკეთების გარეშე, თითოეული ცარიელი ადგილი უნდა შეიცოს მოთხოვნილი ინფორმაციით.
- 4.5.2. პრეტენდენტის მიერ წარმოდგენილი ყველა დოკუმენტი და ინფორმაცია უნდა იყოს სათანადოდ უფლებამოსილი პირის მიერ ხელმოწერილი და ბეჭედ დასმული (საჭიროების შემთხვევაში ატვირთულ უნდა იქნას მინდობილობა ან რწმუნებულება).
- 4.5.3. პრეტენდენტის სატენდერო წინადადება ძალაში რჩება „გამარტივებული შესყიდვის, გამარტივებული ელექტრონული ტენდერისა და ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპების დადგომამდე.
- 4.5.4. სხვა დამატებითი ინფორმაციისა და დოკუმენტაციის (ასეთის არსებობის შემთხვევაში) შევსების წესი განისაზღვრება დამატებით მოთხოვნებისა და/ან შენიშვნის სახით.

შენიშვნა (1): პრეტენდენტი აღნიშნულ ტენდერში მონაწილეობით ავტომატურად ადასტურებს, რომ მისთვის ცნობილია წინამდებარე სატენდერო დოკუმენტაციით დადგენილი მოთხოვნები და ინსტრუქცია ტენდერში მონაწილეობისათვის.

შენიშვნა (2): შესაძლებელია პრეტენდენტს სატენდერო კომისიის გადაწყვეტილების შესახებ და ასევე, გამარჯვების შემთხვევაში საჭირო შეტყობინებები (სათანადოდ უფლებამოსილი პირის მიერ ხელმოწერილი) გაეგზავნოს ელექტრონული ფოსტის საშუალებით.

5. სატენდერო კომისიის აპარატის იმ წევრის ვინაობა და საკონტაქტო ინფორმაცია, რომელსაც უფლება აქვს გასცეს ინფორმაცია და განმარტებები შესყიდვის პროცედურების შესახებ

- 5.1** სატენდერო დოკუმენტაციის შესახებ დამატებითი ინფორმაციის და შესყიდვის პროცედურების შესახებ განმარტებების მისაღებად დაინტერესებულ პირებს შეუძლიათ მიიღონ შემდეგი პირისაგან: - ბესიკ ქარდავა - სატენდერო კომისიის აპარატის წევრი, მისამართზე: ქ. ზუგდიდი, რუსთაველის ქ. №90, ზუგდიდის მუნიციპალიტეტის ადმინისტრაციული შენობა, მე-3 სართული, ოთახი №15, საკონტაქტო ტელეფონი: +995 595 22 27 88.

6. ხელშეკრულება სახელმწიფო შესყიდვის შესახებ (პროექტი)

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან, ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს გამარჯვებული პრეტენდენტის სატენდერო წინადადების შესაბამისად.

ერთის მხრივ, **ზუგდიდის მუნიციპალიტეტი** (შემდგომში „შემსყიდველი“), მისი უფლებამოსილი წარმომადგენლის, **ზუგდიდის მუნიციპალიტეტის გამგებლის** ედიშერ თოლორაიას სახით და მეორეს მხრივ, (შემდგომში „მიმწოდებელი“), მისი უფლებამოსილი წარმომადგენლის, სახით, „სახელმწიფო შესყიდვების შესახებ“ საქართველოს კანონის, „გამარტივებული შესყიდვის, გამარტივებული ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თვმჯდომარის 2011 წლის 7 აპრილის N9 ბრძანების და „მიმწოდებლის“ სატენდერო წინადადების საფუძველზე, განხორციელებული გამარტივებული ელექტრონული ტენდერის (SPA.....) ფარგლებში ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1 „მიმწოდებელი“ ვალდებულია კისრულობს შეასრულოს ხელშეკრულებით გათვალისწინებული სამუშაო, ხოლო „შემსყიდველი“ ვალდებულია კისრულობს აუნაზღაუროს „მიმწოდებელს“ შესრულებული სამუშაოს ღირებულება, წინამდებარე ხელშეკრულებით გათვალისწინებული პირობების შესაბამისად.
- 1.2 ხელშეკრულების საგანია ზუგდიდის მუნიციპალიტეტის 2015 წლის ბიუჯეტის სახსრებით „შემსყიდველის“ მიერ „მიმწოდებლისაგან“ სამუშაოს (CPV კოდი:) შესყიდვა, წარმოდგენილი ტექნიკური დოკუმენტაციის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

2. ხელშეკრულების ღირებულება

- 2.1 შესასრულებელი სამუშაოს მთლიანი, ჯამური ღირებულება შეადგენს: (.....) ლარს.

3. სამუშაოს შესრულების პირობები

- 3.1 სამუშაოს შესრულება „მიმწოდებლის“ მიერ განხორციელდება ხელშეკრულების გაფორმებიდან 29 (ოცდაცხრა) კალენდარულ დღეში, თანდართული სამუშაოების შესრულების გეგმა-გრაფიკის მიხედვით.

4. მიღება-ჩაბარების წესი

- 4.1 შესასრულებელი სამუშაო ჩაითვლება მიღებულად მხოლოდ მიღება-ჩაბარების აქტის (ფაქტიურად შესრულებული სამუშაოების მოცულობის მიღების აქტი) გაფორმების შემდეგ.
- 4.2 შესასრულებელი სამუშაოს მიღება მოხდება სამუშაოების დასრულებისთანავე ან ეტაპობრივად მიღება-ჩაბარების აქტებით.
- 4.3 ხელშეკრულებით გათვალისწინებული სამუშაოს მიღებას ახორციელებენ „შემსყიდველს“ და „მიმწოდებლის“ მიერ საამისოდ უფლებამოსილი წარმომადგენლები, რომლებიც სამუშაოს მიღების შედეგების მიხედვით აფორმებენ მიღება-ჩაბარების აქტს.

5. ანგარიშსწორების ფორმა და წესი

- 5.1 ანგარიშსწორება „მიმწოდებელთან“ განხორციელდება შესრულებული სამუშაოს მიღების შემდეგ, უნაღდო ანგარიშსწორების სახით „მიმწოდებლის“ საბანკო ანგარიშზე თანხის გადარიცხვის ფორმით.
- 5.2 ანგარიშსწორება განხორციელდება ფაქტიურად შესრულებული სამუშაოების გათვალისწინებით შესაბამისი მიღება-ჩაბარების აქტის (ფორმა №2), ექსპერტის დადებითი დასკვნისა და საგადასახადო ანგარიშ-ფაქტურის (ან კანონმდებლობით დაშვებული სხვა დოკუმენტის) წარდგენიდან 20 (ოცი) სამუშაო დღის განმავლობაში.
- 5.3 ანგარიშსწორება შესაძლებელია განხორციელდეს ეტაპობრივად, შუალედური ანგარიშსწორებით, შემდეგი თანმიმდევრობით: - **პირველი შუალედური გადახდა** ხელშეკრულების ღირებულების 30%-ის ოდენობით გადახდილი იქნება პირველი შუალედური მიღება-ჩაბარების აქტის გაფორმების შემდეგ, **მეორე შუალედური გადახდა** - ხელშეკრულების ღირებულების 50%-ის ოდენობით გადახდილი იქნება მეორე შუალედური მიღება-ჩაბარების აქტის გაფორმების შემდეგ, **საბოლოო ანგარიშსწორება** ხელშეკრულების ღირებულების 20%-ის ოდენობით გადახდილი იქნება საბოლოო მიღება-ჩაბარების აქტისა და ექსპერტის დადებითი დასკვნის წარმოდგენის შემდეგ.

6. მხარეთ უფლება-მოვალეობანი

6.1 „შემსყიდველი“ ვალდებულია:

- 6.1.1** უზრუნველყოს შესრულებული სამუშაოს შესაბამისი ანაზღაურების გადახდა „მიმწოდებლისათვის“, წინამდებარე ხელშეკრულების პირობათა სრული დაცვით;
- 6.1.2** შეუქმნას „მიმწოდებელს“ სამუშაო პირობები;

6.2 „შემსყიდველი“ უფლებამოსილია:

- 6.2.1** „მიმწოდებლისგან“ მოითხოვოს სამუშაოს შესრულება ხელშეკრულებით დადგენილი პირობებით და განსაზღვრულ ვადაში;
- 6.2.2** „მიმწოდებელს“ მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება;
- 6.2.3** დაუბრკოლებლივ განახორციელოს „მიმწოდებლის“ მიერ შესრულებული სამუშაოს შემოწმება;
- 6.2.4** „მიმწოდებლისაგან“ მოითხოვოს შესრულებული სამუშაოს შესახებ დადგენილი ფორმის მიღება-ჩაბარების აქტის გაფორმება.

6.3 „მიმწოდებელი“ ვალდებულია:

- 6.3.1** ხელშეკრულებით დადგენილ ვადაში, ხელშეკრულებით დადგენილი პირობებით შესრულოს სამუშაო;
- 6.3.2** ხელშეკრულების მოქმედების პერიოდში „შემსყიდველს“ წარუდგინოს შესრულებულ სამუშაოებთან დაკავშირებით ნებისმიერი სახის ინფორმაცია და დოკუმენტები;
- 6.3.3** საკუთარი ხარჯებით უზრუნველყოს „შემსყიდველის“ მიერ გამოვლენილი ყველა ნაკლისა და დეფექტის აღმოფხვრა, რომელიც გამოწვეულია შესრულებული სამუშაოებიდან.
- 6.3.4** სამუშაოების შესრულებასთან დაკავშირებით მოთხოვნის შემთხვევაში წარუდგინოს „შემსყიდველს“ შესრულებული სამუშაოს შესახებ შესაბამისი პირვანდელი დოკუმენტაციის ასლები და ანგარიში, რომლის შემდეგაც ფორმდება დადგენილი ფორმის მიღება-ჩაბარების აქტი;
- 6.3.5** დაუყოვნებლივ აცნობოს „შემსყიდველს“ ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ;
- 6.3.6** ხელშეკრულების შესრულების პერიოდში სუბკონტრაქტების დადების აუცილებლობის წარმოშობის შემთხვევაში, წერილობით აცნობოს „შემსყიდველს“ შესაბამისი თანხმობის მისაღებად.

6.4 „მიმწოდებელი“ უფლებამოსილია:

- 6.4.1** „შემსყიდველისაგან“ მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება;
- 6.4.2** მოსთხოვოს შემსყიდველს სამშენებლო სამუშაოების განსახორციელებლად ყველა საჭირო დოკუმენტაციისა და ინფორმაციის მიწოდება.

7. უფლებების გადაცემა

- 7.1** „მიმწოდებელს“ არა აქვს უფლება „შემსყიდველის“ წერილობითი თანხმობის გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

8. ხელშეკრულების პირობების გადასინჯვის შესაძლებლობა

- 8.1** წინამდებარე ხელშეკრულების პირობების, მათ შორის ფასის შეცვლა დაუშვებელია თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „შემსყიდველისათვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 8.2** საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე (ათი პროცენტი) მეტი ოდენობით გაზრდა.

9. ხელშეკრულებაში ცვლილებების შეტანა

- 9.1** ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.
- 9.2** თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.
- 9.3** ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. შეტყობინება

- 10.1** ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ფაქსის ან ელექტრონული სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.
- 10.2** შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

11. ხელშეკრულების შესრულების შეფერხება

- 11.1** ხელშეკრულების შესრულების პროცესში მხარეთ წინაშე წარმოშობილი დაბრკოლების გამო ნაკისრი ვალდებულებების ვერ ან არაჯეროვნად შეუსრულებლობის საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. ხოლო შეტყობინების მიმღები მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამომწვევი მიზეზების შესახების შესახებ. ხოლო შეტყობინების მიმღები მხარე კი ასევე დაუყოვნებლივ აცნობებს თვის გადაწყვეტილებას აღნიშნულ გარემოებებთან დაკავშირებით.
- 11.2** იმ შემთხვევაში თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

12. გარანტია

- 12.1** შესრულებული სამუშაოს სრულფასოვანი ფუნქციონირების საგარანტიო ვადა შეადგენს საბოლოო მიღება-ჩაბარების აქტის გაფორმებიდან (.....) წელს, რომლის განმავლობაში რაიმე წუნის აღმოჩენის შემთხვევაში, თუ დადგინდება, რომ აღნიშნული წუნი გამოწვეულია „მიმწოდებლის“ მიზეზით, მიმწოდებელი ვალდებულია შეტყობინების მიღებიდან, „შემსყიდველის“ მიერ განსაზღვრულ გონივრულ ვადაში შეასრულოს აღდგენითი სამუშაოები, „შემსყიდველის“ მხრიდან რაიმე დამატებითი დანახარჯების გაწევის გარეშე.

13. მხარეთ პასუხისმგებლობა ხელშეკრულების პირობების შეუსრულებლობისათვის

- 13.1** ფორს-მაჟორული პირობების გარდა, „მიმწოდებლის“ მიერ ხელშეკრულების პირობების შეუსრულებლობა ან/და დაგვიანებით შესრულება გამოიწვევს მის პასუხისმგებლობას, მოქმედი კანონმდებლობითა და წინამდებარე ხელშეკრულებით განსაზღვრული წესის შესაბამისად.
- 13.2** ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის „მიმწოდებელს“ ეკისრება პირგასამტეხლო, ხელშეკრულების საერთო ღირებულების 0,1%-ის ოდენობით, რომლის გადახდა უნდა მოხდეს „შემსყიდველის“ წერილობითი მოთხოვნის მიღებიდან 20 (ოცი) სამუშაო დღის განმავლობაში.
- 13.3** იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს „შემსყიდველს“ უფლება აქვს შეწყვიტოს ხელშეკრულება.
- 13.4** თუ „მიმწოდებელი“ ხელშეკრულებით განსაზღვრული ვადის ფარგლებში ვერ შეასრულებს ნაკისრ ვალდებულებებს, „შემსყიდველი“ უფლებამოსილია: - შეწყვიტოს წინამდებარე ხელშეკრულება და „მიმწოდებელი“ ხელშეკრულების არაჯეროვანი შესრულებისათვის დააჯარიმოს ხელშეკრულების საერთო თანხის 5%-ის ოდენობით.
- 13.5** განსაზღვროს სამუშაოს დასრულებისათვის დამატებითი გონივრული ვადა, რა ვადაშიც „მიმწოდებელი“ ყოველ ვადაგადაცილებულ დღეზე იხდის, პირგასამტეხლოს ხელშეკრულების ხელშეკრულების საერთო ღირებულების 0,1%-ის ოდენობით.
- 13.6** თუ „შემსყიდველი“ დარწმუნდება, რომ შეუძლებელია შესასრულებელი სამუშაოს მოცულობის დასრულება ხელშეკრულებით განსაზღვრული ვადების ამოწურვამდე, იგი უფლებამოსილია ცალმხრივად, ვადაზე ადრე, შეწყვიტოს ხელშეკრულება და „მიმწოდებელი“ დააჯარიმოს ხელშეკრულების საერთო ღირებულების 5%-ს ოდენობით.
- 13.7** თუ „მიმწოდებელი“ დამატებით ვადაშიც ვერ განახორციელებს სამუშაოს სრულად დამთავრებას, „შემსყიდველი“ წყვეტს წინამდებარე ხელშეკრულებას და „მიმწოდებელი“ ხელშეკრულების არაჯეროვანი შესრულებისათვის დააჯარიმდება ხელშეკრულების საერთო ღირებულების 5%-ს ოდენობით.
- 13.8** „შემსყიდველი“ უფლებას იტოვებს მოახდინოს პირგასამტეხლოს გამოქვითვა „მიმწოდებლისათვის“ ასანაზღაურებელი თანხიდან ან სახელშეკრულებო ღირებულებიდან დაუკავოს თანხა, გადასახდელი პირგასამტეხლოს ორმაგ ოდენობამდე, დაკისრებული ჯარიმის სრულ დაფარვამდე.
- 13.9** პირგასამტეხლოს გადახდა არ ათავისუფლებს „მიმწოდებელს“ ხელშეკრულებით ნაკისრი ვალდებულებების შესრულებისაგან.
- 13.10** პასუხისმგებლობის სხვა ფორმები, რაც არ არის გათვალისწინებული ამ ხელშეკრულებაში, განისაზღვრება მოქმედი კანონმდებლობით.

14. ხელშეკრულების მოქმედების შეწყვეტა

- 14.1 ერთი მხარის მიერ ნაკისრ ვალდებულებათა შეუსრულებლობის გამო მეორე მხარე, უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება.
- 14.2 ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 5 (ხუთი) დღით ადრე მაინც, ამასთან უნდა მიეთითოს მიღებული გადაწყვეტილების საფუძველი და მისი ამოქმედების თარიღი.
- 14.3 ხელშეკრულების ცალკეული პირობების მოქმედების შეწყვეტა, არ ათვისუფლებს მხარეებს ვალდებულებების შესრულებასთან.
- 14.4 მხარეთა შორის გაფორმებული მიღბა-ჩაბარების საბოლოო აქტი წარმოადგენს ხელშეკრულების მოქმედების შეწყვეტის საფუძველს.

15. ფორს-მაჟორი

- 15.1 მხარეები არ არიან პასუხისმგებელნი თვითნებ ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, სახანძრო, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.
- 15.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება კომპენსაციის უფლების მოთხოვნის გარეშე.
- 15.3 მხარე, რომელსაც შეექმნა ფორს-მაჟორული გარემოება დაუყონებლივ აცნობებს ამის შესახებ მეორე მხარეს.

16. დავების გადაწყვეტის წესი

- 16.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილი იქნას ორივე მხარის ერთობლივი მოლაპარაკების საფუძველზე.
- 16.2 შეთანხმების მიუღწევლობის შემთხვევაში მხარეები მიმართვენ სასამართლოს, საქართველოს კანონმდებლობის შესაბამისად.

17. ხელშეკრულების ინსპექტირების პირობები

- 17.1 „შემსყიდველს“ ან მის წარმომადგენელს უფლება აქვთ ხელშეკრულების ნებისმიერ ეტაპზე განახორციელონ კონტროლი (ინსპექტირება) „მიმწოდებლის“ მიერ ნაკისრი ვალდებულებების შესრულებაზე.
- 17.2 ხელშეკრულების კონტროლს ახორციელებს „შემსყიდველის“ მიერ გამოყოფილი სპეციალური ინსპექტირების ჯგუფი შემდეგი შემადგენლობით:
- 17.3 ინსპექტირება განხორციელდება წარმოქმნილი საჭიროებიდან გამომდინარე.
- 17.4 „შემსყიდველის“ მიერ გამოყოფილი ინსპექტირების ჯგუფი უფლებამოსილია განახორციელოს შესრულებული ან/და შესასრულებელი სამუშაოს მოცულობის, ხარისხისა და მიწოდების ვადების კონტროლი.
- 17.5 „მიმწოდებელი“ ვალდებულია საკუთრი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 17.6 „მიმწოდებელი“ ვალდებულია საკუთრი ხარჯებით უზრუნველყოს „შემსყიდველი“ კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.
- 17.7 ინსპექტირების ჯგუფი სამუშაოების ადგილას, პერიოდულად, სამუშაოების მიღება-ჩაბარების აქტის გაფორმებამდე ჩაატარებს შესრულებული სამუშაოების ინსპექტირებას, რომელიც გულისხმობს შესრულებული სამუშაოს მოცულობის და ხარისხის კონტროლს.
- 17.8 ხელშეკრულების ფარგლებში ანაზღაურებული იქნება მხოლოდ იმ სამუშაოს ღირებულება, რომლის მოცულობასა და ხარისხზე არსებობს „შემსყიდველის“ მიერ დადასტურებული აქტი.

18. დასკვნითი დებულებანი

- 18.1 მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას, დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.
- 18.2 ხელშეკრულების დებულებებში ცვლილებების ან დამატებების შეტანა შესაძლებელია მხოლოდ მხარეთა შორის შეთანხმების წერილობითი გაფორმების შედეგად.
- 18.3 სამუშაოების შესრულებაში მონაწილე საინჟინრო-ტექნიკური პერსონალისა და მუშა-მოსამსახურეების შემადგენლობის არანაკლებ 70% უნდა იყვნენ საქართველოს მოქალაქეები.
- 18.4 ხელშეკრულება ძალაში შედის მისი ხელმოწერის მომენტიდან და მოქმედებს 2015 წლისმდე, გარდა ხელშეკრულების 12.1, 13.2, 13.3, 13.4, 13.5 და 13.6 პუნქტებით განსაზღვრული პირობებისა, რომლებიც ძალაშია ვალდებულებების სრულად და ჯეროვნად შესრულების მომენტამდე.

18.5 წინამდებარე ხელშეკრულება შედგენილია 4 (ოთხი) თანაბარუფლებიანი ძალის მქონე ეგემპლარად 3 (სამი) ეგემპლარი ინახება „შემსყიდველთნ“, ხოლო ერთი ეგემპლარი გადაეცემა „მიმწოდებელს.“

19. მხარეთა მისამართები, საბანკო რეკვიზიტები და ხელმოწერები

„შემსყიდველი“

„მიმწოდებელი“

დანართი №1

ხ ა რ ჯ თ ა ღ რ ი ც ხ ვ ა

(წარმოდგენილი უნდა იქნას დანართი №1-ის მიხედვით)

სამუშაოების შესრულების გეგმა-გრაფიკი

(წარმოდგენილი უნდა იქნას დანართი №2-ის მიხედვით)

ინფორმაცია ბოლო 3 (სამი) წლის (2012 წლის 10 თებერვლიდან 2015 წლის 10 თებერვლამდე პერიოდში) განმავლობაში ანალოგიური სამუშაოების შესრულების გამოცდილების შესახებ

№	შესრულებული სამუშაოს დასახელება (თითოეული ობიექტის მითითებით)	შემსყიდველი ორგანიზაციის დასახელება	ხელშეკრულების ღირებულება (ლარი)	სამუშაოს შესრულების სახელშეკრულებო ვადები		სამუშაოს შესრულების ფაქტიური ვადები		ფაქტიურად შესრულებული სამუშაოს ღირებულება (ლარი)
				დაწყება (თარიღი: რიცხვი, თვე, წელი)	დასრულება (თარიღი: რიცხვი, თვე, წელი)	დაწყება (თარიღი: რიცხვი, თვე, წელი)	დასრულება (თარიღი: რიცხვი, თვე, წელი)	
1	2	3	4	5	6	7	8	9
1								
2								
.								
.								
.								

პრეტენდენტის ხელმოწერა _____
(ხელმოწერის თანამდებობა, სახელი, გვარი)

შენიშვნა:

- ტენდერში მონაწილე პრეტენდენტი ვალდებულია წარმოადგინოს ინფორმაცია სამუშაოს შესრულების გამოცდილების შესახებ, ზემოთ მოყვანილი ცხრილის სახით;
- ტენდერში მონაწილე პრეტენდენტს უნდა გააჩნდეს ბოლო 3 (სამი) წლის (2012 წლის 10 თებერვლიდან 2015 წლის 10 თებერვლამდე პერიოდში) განმავლობაში ანალოგიური ხასიათის, სირთულისა და შინაარსის (სავტომობილო გზის მშენებლობა-რეაბილიტაცია) სამუშაოების შესრულების გამოცდილება. ამასთან, მოცემულ პერიოდში სახელმწიფო შესყიდვების შესახებ ხელშეკრულებების ფარგლებში შესრულებული სამუშაოების ჯამური ღირებულება არ უნდა იყოს მიმდინარე ტენდერის სავარაუდო ღირებულებაზე ნაკლები. პრეტენდენტმა ზემოთ მოცემული ცხრილის სახით უნდა წარმოადგინოს იმ ობიექტების ჩამონათვალი, რომლიც მან შეასრულა მოცემული პერიოდის განმავლობაში;
- მოთხოვნის შემთხვევაში პრეტენდენტი ვალდებულია წარმოადგინოს ანალოგიური სამუშაოების შესრულების შესახებ მოწოდებული ინფორმაციის დამადასტურებელი დოკუმენტები (ხელშეკრულებების, სამუშაოების შესრულების აქტის, ან/ და შესრულებული სამუშაოების მიღება-ჩაბარების აქტის ასლები, ან/ და დამკვეთის მიერ გაცემული შესრულებული სამუშაოების დამადასტურებელი ცნობა) ან/და შემსყიდველი ორგანიზაციისაგან სარეკომენდაციო წერილი.
- საჭიროების შემთხვევაში შემსყიდველი ორგანიზაცია უფლებამოსილია უზრუნველყოს წარმოდგენილი ინფორმაციის გადამოწმება.

ინფორმაცია პერსონალის გამოცდილებისა და კვალიფიკაციის შესახებ

№	თანამდებობა, სპეციალობა	გვარი, სახელი	მუშაობის საერთო გამოცდილება (წელი)	ანალოგიური სამუშაოებზე მუშაობის გამოცდილება (კონკრეტული პროექტების მითითებით, რომლის შესრულებაში იღებდა მონაწილეობას მოცემული კანდიდატი)	ბიოგრაფიული მონაცემები (ინსტიტუტის დამთავრების წელი სპეციალობა, დიპლომის მიხედვით, ორგანიზაციებში დაკავებული თანამდებობის წლების მიხედვით)
1					
2					
.					
.					
.					

პრეტენდენტის ხელმოწერა _____

(ხელმოწერის თანამდებობა, სახელი, გვარი)

შენიშვნა:

- პრეტენდენტმა უნდა წარმოადგინოს ინფორმაცია ძირითადი სპეციალისტების (სამუშაოთა მწარმოებელი და სხვა) ხელმისაწვდომობისა და მათი კვალიფიკაციის შესახებ, რომელიც აუცილებელია ხელშეკრულების განსახორციელებლად. აღნიშნული ინფორმაცია წარმოდგენილი უნდა იქნას ზემოთ მოცემული ცხრილის შესაბამისად (ცხრილში შეტანილი უნდა იქნას იმ კონკრეტული ობიექტების ჩამონათვალი, რომლის შესრულებაში იღებდა მონაწილეობას მოცემული კანდიდატი და იმ დროისათვის დაკავებული თანამდებობა, წლების მითითებით);
- მოცემულ კანდიდატებს უნდა გააჩნდეს ანალოგიური ხასიათის, სირთულისა და შინაარსის (სავტომობილო გზის მშენებლობა-რეაბილიტაცია) სამუშაოების შესრულების არანაკლებ 3 (სამი) წლიანი გამოცდილება;

ინფორმაცია მატერიალურ-ტექნიკური ბაზის შესახებ

№	მანქანა-მექანიზმების დასახელება	აღწერილობა, მოდელი, ტიპი მარკა, ასაკი	რაოდენობა	მდგომარეობა (ახალი, ნახშიარი)	საკუთრება: მფლობელობის ან სარგებლობის ფორმა
1					
2					
.					
.					
.					

პრეტენდენტის ხელმოწერა _____

(ხელმოწერის თანამდებობა, სახელი, გვარი)

შენიშვნა:

- პრეტენდენტმა უნდა წარმოადგინოს ინფორმაცია მის კანონიერ მფლობელობაში ან სარგებლობის ნებისმიერი ფორმით (თხოვება, ქირა და ა.შ.) არსებული მანქანა-მექანიზმებისა და დანადგარების შესახებ შესახებ, რომელიც აუცილებელია ხელშეკრულების განსახორციელებლად. აღნიშნული ინფორმაცია წარმოდგენილი უნდა იქნას ზემოთ მოცემული ცხრილის შესაბამისად, მასში ასახული უნდა იყოს ზემოთ ჩამოთვლილი მანქანა-მექანიზმების ყველა სახეობა;
- იჯარის, თხოვების ან დაქირავების შემთხვევაში წარმოდგენილი უნდა იქნას შესაბამისი ხელშეკრულებები (ამ ხელშეკრულებ(ებ)ის მოქმედების ვადა არ უნდა იყოს სამუშაოების დასრულების ვადაზე ნაკლები);

საგარანტო პირობები საექსპლუატაციო პერიოდში

პრეტენდენტის დასახელება _____

შესრულებული სამუშაოს სრულფასოვანი ფუნქციონირების საგარანტო პერიოდი მოიცავს საბოლოო მიღება-ჩაბარების აქტის გაფორმებიდან წელს.

პრეტენდენტის ხელმოწერა _____

(ხელმოწერის თანამდებობა, სახელი, გვარი)

შენიშვნა: შესრულებული სამუშაოს სრულფასოვანი ფუნქციონირების საგარანტო ვადა უნდა შეადგენდეს საბოლოო მიღება-ჩაბარების აქტის გაფორმებიდან არანაკლებ 2 (ორი) წელს.

ინფორმაცია პრეტენდენტის შესახებ

პრეტენდენტის (ფიზიკური და იურიდიული პირის) სახელწოდება/დასახელება და საიდენტიფიკაციო კოდი (ფიზიკური პირის შემთხვევაში პირადი ნომერი):	
პრეტენდენტის იურიდიული და ფაქტური მისამართი:	
დაფუძნების წელი ან/და სახელმწიფო რეგისტრაციის თარიღი:	
მომსახურე ბანკის დასახელება, ბანკის კოდი და ანგარიშსწორების ანგარიში:	
პრეტენდენტის უფლებამოსილი წარმომადგენელი (სახელი, გვარი, მისამართი, ოფისის ტელეფონის ნომერი, მობილური, ელ. ფოსტის მისამართი):	

პრეტენდენტის ხელმოწერა _____

(ხელმოწერის თანამდებობა, სახელი, გვარი)